



宣大山西三鎮圖說

大同鎮總圖





大同鎮總圖說

大同古并州地春秋時北狄所居戰國隸代隸趙秦置雲中郡兩漢因之金元稱府稱路沿革靡一

國朝復置大同府東連上谷西北迫虜西南捍畿輔晉陽自昔華夷互爭之區而在我

朝為京師

陵寢右翼尤稱要害迄今遂為雄鎮焉原設有大同府所部應渾蔚朔凡四州大同懷仁等凡七縣山西行都司領大同前後等凡十四衛暨井山馬三所內

代王藩封在焉

國初邊備付之鎮守大將軍永樂間始設巡撫副
總兵天順間添設分巡按察司糧儲戶部倉場
嘉隆間添邊遊兵神機等營遊擊同駐劄鎮城
閩鎮官軍八萬五千七百八十員名馬騾駝三
萬七千四百七十一匹頭隻左右掖營散兵宣
山二鎮寄操官軍馬匹咸在數內本鎮臨極邊
虜疾馳輒突至城下嘉靖三年巡撫張公文錦
議城弘賜等五堡尋及於難繼事者諱言之十
八年總督毛公伯溫極言城五堡便疏再上
報曰可巡撫文公道實躬督厥事遂置鎮邊等五堡

是為內五堡二十三年總兵周尚文復置鎮羗
等五堡是為外五堡次城靖虜等堡次城臧胡
等堡次城新平等堡而全鎮之保障完二十五
年總督翁公萬達巡撫詹公榮增築邊垣西起
丫角山東止李信屯延袤五百餘里是年置朔
州兵備後隨總督軍門駐陽和三十三年移副
總兵於左衛三十七年右衛園凡七閱月始解
總督楊公博議置大同兵備道駐左衛增築雲
岡等六堡三十八年移分守道駐朔州先後繕
堡繕城置道置將區畫邊防已無遺策而虜氛
正熾士荷戈無暇晷垣墉率多傾圯自庚午冬

郡古內附歷代跋扈不臣之虜悉解辦受封號而我乃有餘閒得次第完繕以修圉備萬曆八年總督鄭公洛築大邊五百六十餘里又築三屯馬營樺門等堡嗣是柄事之臣相繼修守而綢繆益犁然周備矣論險隘各路俱衝而中路北東路北西路新平路更甚徃歲虜馬充斥四時戒備師勞餉費商旅阻絕地方之困苦極矣款後軍民樂業生齒漸繁非復昔日凋殘景象且陽和大同並峙百里內分副帥於西陲布列將於嶮要各蒞以備兵使者輕重相維臂指相使似可無虞而有識者廩廩憂焉蓋款貢三十

餘年人狃於嬉愒法格於奸蠹而我之情形虛
實虜備知之且板升逆黨本我族類甘心外嚮
邇來蟻聚更繁解散匪易先年勾引入犯地方
痛遭荼毒之慘倘黠酋梗化其害恐不止如徃
日已也未雨徹桑何可一日弛戒備哉故帝王
之世雖不却外夷之貢獻而安攘之大畧固自
有在願身邊事者幸勿忽大畧而規規於近利
焉

本鎮

錢糧歲額

主兵

京運銀二十六萬九千六百三十八兩

民運本色糧七千二百七十四石五斗

折色銀六十七萬一千九百五十五兩

屯糧本色糧四萬四千二百四十七石

本色草一十八萬一千二百一十四束

折色糧草牛具戶口食鹽共銀三萬六千

二百六十四兩

歲派鹽四萬三千八百四引折銀一萬八

千一百八十九兩

客兵

京運銀一十八萬二千兩

內有軍門標兵宣府改撥銀三萬四千兩山西改撥銀七千兩

歲派塩七萬引折銀二萬七千五百兩

兵馬原額

官軍一十三萬五千七百七十八員名今實在

八萬五千七百八十員名

馬騾五萬一千六百五十四匹頭今實在三萬

七千四百七十一匹頭

以上在兵馬雖稍縮於原額而必詳查

見在實數分析開造者恐虛糜月餉

糧草故也至錢糧歲額雖有定數收
納難於取盈且各營堡月支互異故
不便於造報大都邇來京運愆期民
運拖欠每年主客通融多方那借僅
足周歲之用而猶時有不足之虞倘
卒然有警征伐四出客兵將何支應
乘此閑暇之時當廣為積貯之計設
法開墾勒限催徵一切冗食冗費悉
裁革而撙節之務本折有餘庶乎緩
急可濟蓋今日綢繆之急務云

大同巡道
轄不屬路

北至鎮羗堡十八里

東至聚落城六十里

西至高山城六十里

孤店堡

大同城

南至懷仁城十七里



本城洪武五年大將軍徐達因舊土城增築外包以甃石周十三里高四丈二尺萬曆八年加砌女牆補葺頽壞而金湯益固內有

代藩及撫鎮部道都司府縣衛所各署分列而又設各遊擊以資調遣總計各營衛見在官軍二萬四千一百八十六員名馬騾駝一萬六千四百四十八匹頭隻無分邊惟管火路墩四十二座本城故二雲都會地寒寡產俗尚侈靡款後虜使絡繹不絕城中虛實畢照識者竊有隱憂且

宗藩驕橫軍丁强悍祿糧月餉往往缺乏其為憂不在邊圉而在蕭牆之內矣當事者尚及時預圖之

北至採藥山三十里

東至陽和城六十里

西至大同城六十里

聚落城

南至許家莊四十里


採藥山

本城創於弘治十三年隆慶六年輒包周三里三分高三丈七尺設守備一員併大同後衛中左所守備所領見在官軍七百三十七員名馬騾一百九十匹頭分管火路墩九座本城為大同左輔與高山城稱兩翼且雲中雲東肩摩輟擊聚落適當其中嶮巖見於西北坦夷見於東南固屯伏夾應之所也虜一過此方軌連營垂涎四掠不難矣故繕城設備此為尤急且當四通之衝尊官大吏往來若織而豪奴悍卒鼓煽其間應醺稍不如意喝譴立見以此守備官有願投牒而去者故凡有監臨之責者均當體恤禁約為邊氓造福可也

北至聚落城十四里

東至順聖川西城七十里

西至大同城八十里



南至火燒嶺三十里


本莊故民堡嘉靖三十九年更民堡為之萬曆二十九年輒包周三里六十八步高連女牆三丈六尺原設操守官一員所領見在官軍六百八十三員名馬騾一百九十三匹頭分管火路墩一十二座本堡稍腹裏地極平曠嘉靖中虜騎無歲不至城下今雖寧謐但當宣大兩鎮徑路往來官使相望於道難免將迎之擾且軍多烏合有甫隸尺籍而旋即逃匿者撫恤振飭必得其人而後可也

北至城驛十五里

東至廣靈城一百二十里

西至應州城九十里

南至王家莊堡十九里




本城故唐州治洪武元年因之萬曆元年始甃以
甃周四里二百二十步高連女牆四丈本城設知
州無屬邑同城原設有守備有安東中前二所守
備止管火路墩十八座見在官軍四百八十員名
馬四十八匹城係腹裏群峰拱向恒嶽巖巖鑿山
構木遺矩尚存若磁窰之口有守則胡馬何能南
馳亂嶺之關設伏則虜騎安從東下有警堅壁清
野不乂虜必宵遁故渾源之地可掠不可攻貴守
不貴戰視他城稍易為力焉

北至渾源城九里

東至靈丘城六十里

西至山西西河口二十里



南至山西平關邊十二里

本堡設自嘉靖十九年土築周二里八分高二丈二尺原設驛丞一員後萬曆十九年因地方山岩路嶮時常盜賊生發議添操守一員把總一員所領見在旗軍二百餘名馬一十匹止管火路墩臺四座本堡設渾靈之間相離寫遠時有盜警防禦為難故設官治兵以圖扼塞有事固可阻虜無事亦可弭盜地方重有賴焉第堡垣土築終非保障完策業經題

准執包目今鳩工辦料刻期督修蓋桑土之至計云

北至廣靈城九十里

東至廣昌城九十里

西至王家莊堡六十里



南至太白山十二里

本城唐開元創建天順三年因之土築萬曆二十八年始甃以甃周四里一十三步高三丈五尺原設知縣守備各一員守備所領見在官軍一千一百六員名馬一百二十四匹止管火路墩八座本城係腹裏山谿間阻風氣獷悍稍抱不平即有跋扈之意土瘠民貧途衝財匱且礦盜時發防範不易至虜患則稍緩矣

北至火燒嶺十五里

東至蔚州城五十里

西至渾源城一百二十里




南至靈丘城九里

本城土築於洪武十六年萬曆元年甃包周二里七分一十五步高連女牆四丈原設知縣一員正德二年設有操守嘉靖二年加陞守備萬曆六年議改防守九年裁革之萬曆十九年復議設操守本城係腹裏乃渾蔚適中之地巡徼之卒幾三百亦足以守疆域蓋邑小民貧非虜所垂涎故也然六楞山火燒嶺等處皆曠徒巢穴禁制之法不可不嚴時雖稱平未可輟防也

北至城西十九里

東至桃花堡八十里

西至廣靈城五十里



南至黑石嶺十八里

本城肇設於周天象二年輒包於洪武七年萬曆
十一年因地震崩裂重修之周七里一十二步高
連女牆四丈一尺設知州守備各一員兵馬俱隸
宣鎮本州係腹裏地當宣雲之交城垣高厚完固
甲於雲中土沃物豐商賈鱗集蓋虜素所垂涎者
顧軍民錯處殊煩擘畫近苦開採之役軍民胥稱
病云

北至黑石嶺十六里

東至浮圖峪三十里

西至靈丘城九十里



南至倒馬關十九里

本城洪武七年輒建嘉靖三十七年重脩周三里
五分高三丈五尺設守備知縣各一員守備所領
軍馬俱屬宣鎮縣官惟司土兵壯夫與守備共守
之耳本城隸蔚州重岡疊嶽森列盤遶西可壯靈
丘之險址可扼黑石之隘密邇紫荆倒馬固兩關
之要樞也若虜踰蔚而南此地為必經之路收保
自衛何可以腹裏而漫視之且地衝民疲近有採
礦之擾尤當加意撫恤云

大同巡道轄
北東路總圖

把都兒倒不
浪平評卷

檢閱

順義王
李郁

地至境

東至鎮邊堡七十里

孫山

鎮遠堡

野口極衛

極衝

白石崖
極衝

鎮遠堡

鎮川保生

弘賜保


賜弘至南

里三牆

泉四十九

等鄉落

杜家等鄉落



西至拒牆堡二十里

廣草溝極衝

里十二堡

本路叅將添設於嘉靖十八年初駐弘賜堡二十三年改移駐劄得勝分轄得勝鎮羗弘賜鎮川鎮邊鎮河鎮虜拒牆八堡皆往年醜虜必攻之地轄六守備一操守分邊起於東路之靖虜堡訖於北路之拒門堡沿長九十六里三分邊墩一百二十九座火路墩四十二座蓋直北之極邊而鎮城之外郭也總屬見在官軍共六千五百七員名馬騾一千七百一匹頭各堡得勝鎮羗弘賜鎮邊鎮川拒牆俱極衝鎮河鎮虜稍次之邊外與永邵卜巢穴相對而東則擺腰兀慎西則酋婦東哨打兒漢等駐牧一牆之隔虜帳盈野稍不戒慎釁起眉睫

且闔鎮大市俱屬本路較他路稱艱鉅焉

北至邊牆三里

東至邊牆三里



西至拒牆堡二十里

南至弘賜堡十二里

本堡設自嘉靖二十七年萬曆二年輒包周三里四分有奇高三丈八尺本堡逼隣虜穴一牆之外毳幙盈野貢市往來接踵塞上故移弘賜堡叅將駐劄於此極為得策叅將所統應援見在官軍二千四百四十八員名馬騾一千一百八十九匹頭堡與鎮羌逼近擊柝相聞有警兩堡依附矢鏃可及虜終不能獨窺一城以滋跳梁矧有叅將建旄鎖鑰之顧叅將八堡之援非本堡所得專也本處既設有專堡脫或弘賜等堡告急勢必往援堡誰與守議者增設一操防為城守之計亦一策云

北至邊牆十五步

感靜仙不
浪等部落

黃土堡實
等部落

順義王
鹿

東至邊牆五十步

西至拒牆堡界十里

鎮老堡

野極衝

北洞兒溝極衝

南至得勝堡二里



本堡邊塞首衝之地闔鎮大市集焉設自嘉靖二十四年萬曆二年輒包周一里七分高三丈八尺設守備官一員所領見在官軍一千五十三員名馬騾一百八十四匹頭分邊沿長二十二里一分邊墩二十八座馬市一處輒樓一座火路墩七座北洞兒溝野口等處俱極衝要邊外柳河山海子等處酋首黃金榜實威靜倘不浪等部落駐牧嘉靖三十年虜由此大舉搶至洞兒溝諸處今款和烟塵稍靜乃每遇互市東西名王率數萬衆蟻聚城下守巡副叅遊等官悉監臨焉雖依附得勝可恃無恐臨事呼吸變動自衛更當防禦周慎焉

北至鎮羌堡十二里

東至鎮川堡二十里

西至鎮虜堡二十里

南至大同城十六里



本堡土築於嘉靖十八年萬曆二年甄包之周四里三十二步高三丈六尺設守備官一員所領見在官軍六百七員名馬騾九十二匹頭分邊沿長一十九里零邊墩二十六座大路墩八座內石燕莊溝黑石頭溝水泉溝俱當衝而石燕莊更甚邊外牛心山等處皆酋首順義王等部落駐牧嘉隆間屢次入犯馬首所向必先弘賜犯弘賜則得勝之援絕而鎮城告急所謂在我為守所必攻在虜為攻所必守是也故每遇開市撫鎮移節彈壓之固知肩鑰要地隄備當慎焉以支餉繁多故更北路通判於此專用稽餉云

北至邊墻三里

東至靖虜堡十五里

西至鎮川堡三十里

南至聚落城十四里



本堡原非官設初名鎮胡嘉靖十八年更築之輒包於萬曆十一年周三里八十步高連女牆四丈一尺設守備官一員所領見在官軍七百二十二員名馬騾八十二匹頭分邊沿長二十一里二分邊墩三十座火路墩六座內白石崖溝舊十墩俱當衝口通大虜邊外海子東岸孤山腰大山一帶酋首卑兔恰首獨恰等部落駐牧本堡極衝在守口得勝兩市之中東西聲援血脉連絡有警登埤緩急可濟乃隆慶元年虜酋入踐採藥山豈可恃有應援而少弛戒備哉

北至邊牆五里

東至鎮邊堡三十里

西至弘賜堡二十里

南至大同城十五里



鎮山店莊街


黑石頭溝堡街

魏家溝莊街

祁皇墓

會元堡

山



本堡創建於嘉靖十八年萬曆十年甌石包修周二里五分零高連女牆四丈一尺設守備官一員所領見在官軍六百七十九員名馬騾七十匹頭分邊沿長二十里有奇邊墩二十八座火路墩三座內魏家灣黑石頭溝鎮山店俱極衝通大虜邊外威寧海南北二岸等處俱酋首把都兒倘不浪扯布等部落駐牧本堡地勢平行無崇岡帶河之限虜騎便於馳驟嘉隆間虜兩由此潰牆深入故每開市鎮城遊擊必提兵該堡按伏焉非過計也

北至邊牆一里

大屯嶺

多成台吉
半部路

東至鎮羌堡二十里

蘆草溝柳樹

破墩柳樹

蘆草溝柳樹



西至拒門堡二十里

朝陽寺




碑塔

石塔

石塔

南至鎮虜堡十四里




本堡設自嘉靖二十四年萬曆二年輒包周一里八分有奇高三丈六尺原設操守官一員萬曆十四年始設守備所領見在官軍四百二十員名馬騾三十四頭分邊沿長一十三里九分邊墩一十七座火路墩三座內蘆草溝破口墩俱極衝鎮夷墩鶯架嘴稍次之邊外平山大虫嶺等處俱酋首歹成台吉耳六蛇進等部落駐牧本堡挺出三邊之外衝要不下鎮羗而孤危寡援尤過之嘉靖間虜數由此突犯至鶯架山該堡本彈丸一黑子耳有急則收保防護僅可自免以之力戰勢不給也加之土田磽确仰食內地增戍廣蓄尤煩主計云

北至拒堡十四里

東至鎮虜堡二十里

西至破虜堡二十里



南至雲岡堡十四里


大同鎮圖記
本堡設自嘉靖十八年萬曆十四年始議甄包周二里八分高連女牆四丈原設守備萬曆十四年議拒牆堡操守改移於此所領見在官軍三百三十三員名馬騾七匹頭止管火路墩八座本堡距邊稍遠故無分邊實與鎮虜乃拒牆得勝後援居常預為聯絡有事彼此救應懸募轉輸宜蚤為桑土之計不則虜犯拒門鎮虜之間本堡寧能安枕而卧乎

北至拒牆堡十二里

東至弘賜堡二十里

西至鎮河堡二十里

南至大同城四十里




本堡土築自嘉靖十八年萬曆十四年始議甄包周二里九分零高四丈設守備官一員所領見在官軍二百四十五員名馬騾四十七匹頭無邊止管火路墩七座本堡地勢平夷無險可恃若虜馬一逾拒牆不測之禍必延及本堡遊騎旁掠且將窺雲岡矣此實北路要害何可以堡小而緩圖之哉

大同陽和道
轄東路總圖

東至枳兒嶺三十里

北至鎮寧



堡十三里


敵不天缺不
兄等即落

此城



此城



此城



西至靖虜堡九十五里



里十三關

本路叅將分屬陽高天城鎮虜四衛及靖虜守口
鎮寧鎮口鎮門瓦窑永嘉等七堡轄六守備三操
守分邊沿長九十六里四分邊墩一百七十八座
火路墩九十座本路隨在皆邊虜患頻仍自議增
新平而外有重藩續移制府而內有重援視他路
可恃無恐焉總屬見在官軍七千一百五十七員
名馬騾一千二百七十三匹頭內援兵官軍一千
一百三十七員名馬騾九百八十一匹頭所轄九
城堡俱衝內永嘉稍次之款後虜塵不聳邊境宴
然即守口市場黠酋兀慎擺腰等交臂受事無敢
有睥睨者第接遞疲累間閭空虛田土未盡開墾

流徙未盡歸還所當招徠填實整飭精練以備不虞云

北至本城邊牆五十里


此方奇猶不
衆等都落

朝古都落



西至聚落城六十里

東至天城六十里



南至白登堡三十里

本城洪武三十一年大將軍徐達以甌剏高三丈七尺環九里一分南有關累土爲之內設陽和驛軍民商賈叢集焉歲久傾圯不堪防禦萬曆三十年始甃以甌續創連城於關西隅若襟帶然金湯相望屹然稱雄鎮矣本城原設叅將守備各一員併陽高二衛嘉靖二十五年總督軍門移自朔州隨設中軍叅將二十六年改朔州兵備爲陽和道四十四年將本城原設叅將更調天城將天城入衛遊擊更調本城萬曆二年設撫夷守備三年設左右營遊擊等官併管糧同知俱駐劄於此左右掖及入衛營共統存散見在官軍六千九百二十

八員名馬騾五千八百九十二匹頭守備所統二
衛見在官軍二千一百八十一員名馬騾六十八
匹頭分邊沿長一十九里邊墩三十八座火路墩
二十八座內杏園兒神峪溝天蓬溝極衝通大虜
白沙灘稍次之邊外二十餘里搥溝等處兀慎台
吉男朝台吉酋首屹力哥倘不浪等駐牧嘉靖間
大虜從此入犯曾有覆軍殞將之禍茲黠酋就款
重兵雲屯似無足慮惟是羣酋乞討之頻月無虛
日三鎮輻輳之擾時無停刻搏節愛養所當加意
云


北至瓦窯口堡十三里

上
部
署

東至枳兒嶺三十里

西至陽和城六十里

南至米新關十三里



本城甃建於洪武三十一年歲久城甃爛損至萬曆十三年復包修之高三丈九尺周九里有奇本路叅將駐劄焉原設守備一員天城鎮虜二衛及天城驛除援兵外守備所領見在官軍一千二十一員名馬二十六匹分邊沿長六里邊墩一十座火路墩三十一座內水峪口寺兒墩極衝通大虜邊外麻地溝等處酋首敖卜燕等部落駐牧本城極衝嘉靖二十七等年虜大舉由此入犯攻掠甚慘款後幸得乘暇修守城垣堅固庶幾保障無虞惟是城內尚爾空虛閭里蕭然驛站疲累軍民苦之尚當召補填實曲加存恤焉

北至本堡邊牆二里

相水橋
不承部

東至鎮門堡四十里

西至靖虜堡二十里

南至陽和城五十里




本堡在陽和城西北相去僅十五里擺腰兀慎等酋三市集馬堡築於嘉靖二十五年隆慶六年甃包高三丈五尺周一里一百二十步原設操守萬曆二年改設守備所領見在旗軍四百六十六名馬四十五匹市口一處分邊沿長一十二里二分邊墩二十三座火路墩四座內尖山兒等溝俱極衝邊外威寧海子等處酋首朝庫兒倘不浪等黃河套等處酋首都都恰等各部落駐牧本堡極衝爲陽和肩背隆慶間虜從此入犯全鎮告急近設有市場羈縻之而又有靖虜鎮門二堡爲之左右標下兩掖營爲之彈壓聲勢相依可保無虞焉

北至本堡邊牆二里

東至守口堡二十里


西至鎮邊堡十五里

南至車判溝五十里



本堡創自嘉靖二十五年隆慶六年輒包周二里
四分高三丈三尺設守備官一員所領見在旗軍
四百六十一名馬三十七匹分邊沿長一十一里
五分邊墩二十六座火路墩五座內碾兒溝子壕
溝等處俱極衝要邊外柳溝大尖山等處酋首把
都兒捨金滿骨素等部落駐牧本堡北望平川並
無崇山峻嶺隆慶元年虜酋由沙溝入犯近牆塹
增修高堅可守惟時加葺補而昕夕戒備之庶乎
保障無虞焉

北至本堡邊牆二里



本堡設自嘉靖二十五年隆慶六年甃包高三丈五尺周一里五分原設操守萬曆二十七年始改設守備所領見在旗軍五百一十二名馬四十八匹分邊沿長一十三里五分邊墩二十一座火路墩二座內大小鵝鵠峪口極衝通大虜邊外鵝溝等處酋首敖不艾鐵木兒等部落駐牧嘉靖二十四年虜由小鵝鵠峪入犯幾不可支所幸堡小而堅去幕府爲近聲援易及故得不至於危尚當戒備不虞勿恃有應援而忽之

北至本堡邊牆一里

乾溝

老寨砲台
人集部落




東至鎮寧堡一十八里

榆林口橋街

水磨口橋街

趙三濟橋街


西至鎮門堡二十里



南至天城三十五里

本堡設自嘉靖二十五年隆慶六年甄包高三丈五尺周一里三分零設操守官一員所領見在旗軍三百一十一名馬一十六匹分邊沿長一十三里三分邊墩二十一座火路墩一座內榆林水磨等口俱極衝通大虜邊外乾沙溝等處酋首老塞啞失戶等部落駐牧嘉靖間零賊從此入寇攻掠天城等處勢甚猖獗蓋本堡邊外多深溝曲澗逼近夷穴易於竊發堡無井取資邊外倘遇流則利害與鎮寧鎮門等邊外舊牆久廢遺墩尚存虜一登臨堡之虛實畢照議者欲復舊牆俾鎮寧鎮口鎮門數堡皆可藉以守瞭蓋亦制勝之策云

北至本堡邊一里



東至瓦窯口堡二十里

水池

鎮寧堡

誠實極也

自苦極衡

西至鎮口堡十八里

南至天城十二里

本堡設自嘉靖四十四年隆慶六年甄包高三丈五尺周一里二分零設操守官一員所領見在旗軍三百二名馬一十六匹分邊沿長一十三里邊墩二十一座火路墩一座內城胡口白羊口極衝通大虜邊外野馬川回回墓等處酋首威敬恰兒克腦歹言倘不浪等部落駐牧嘉隆間零騎不時入犯蓋以李隆溝之虛逼近本堡也近已乘暇修築似堪居守但地皆沙磧勢難鑿井向取汲於牆外緩急尚屬可虞若照宣府中路葛峪青泉等堡潛以地溝引之似差勝云


北至新平堡十三里

東至永嘉堡三十里

東鄉教場街

西至鎮寧堡二十里

南至天城十三里




本堡嘉靖三十七年土築隆慶六年甃包高三丈五尺周一里零設守備官一員所領見在旗軍四百六十八名馬一十九匹分邊沿長七里九分邊墩一十八座火路墩八座內東煙墩極衝通大虜本堡當新平孔道稱咽喉地隅谷間可以設伏倘新平疎虞此地尚能扼虜足爲天城陽和障蔽焉嘉靖二十三等年虜由膳房堡入由此堡出款後斥候戒嚴繕修完固虜不得直馳擾我蓋一隅之藩籬也乃桑土之謀尤所當預圖云

北至平遠堡十四里

東至宣府懷安城四十里

西至瓦窯口堡三十里

南至宣府李信屯十里




本堡設自嘉靖三十七年萬曆二年甄砌女牆通高三丈六尺周三里四分萬曆十九年始議甄包設操守官一員所領見在旗軍二百九十八名馬一十七匹止管火路墩十座本堡設在邊內雖無衝口與宣鎮李信屯堡相為犄角地瘠人寡守禦為難嘉靖二十八年虜大舉曾從此入犯直抵渾源靈廣等處蓋亦要地焉何可以邊內而少弛戒備哉

大同陽和道
轄新平路圖

東至宣府西陽河堡三十里

北至邊



南至永嘉

里七墻



本路原非舊設乃嘉靖二十五年新展自境外者
舊道自東路鎮寧堡縮而南與宣鎮之李信屯相
聯不惟邊垣曲折加長抑且哨夜近虜難瞭今開
拓北直與宣鎮西陽河相接境土加多夷酋遠徙
其為計誠得矣叅將分屬新平平遠保平樺門四
堡俱極衝轄三守備一防守分邊沿長四十六里
有奇邊墩八十二座火路墩四十二座總統見在
官軍二千九百五十六員名馬騾七百二十八匹
頭內援兵官軍一千三百九員名馬騾五百八十
九匹頭本路孤懸口外危如累卵款後豺狼不嗥
烽燧銷徹固幸無事萬一匪茹呼吸之間安危立

判精簡練以壯先聲聯唇齒以資應援所當朝夕
戒備而不可緩圖者邇外榆林舊縣去新平堡不
數十里遺址猶存議者謂當恢復以峻背後之防
此誠確論及今圖之機猶可乘第復之必須添兵
增餉恐時詘難以舉盈姑存之以為異日籌邊者
計焉

北至本堡邊牆七里

東至平遠堡十五里

西至本堡邊牆二里

南至瓦窯口堡十三里



本堡該路將駐劄處也設自嘉靖二十五年隆慶六年輒包高三丈五尺周三里六分原設守備官一員除援兵外所領見在旗軍六百二十三名馬騾五十七匹頭分邊沿長一十八里市口一處邊墩二十六座火路墩一十六座內水泉兒溝榆林縣川俱極衝通大虜邊外五路台吉松木兒及守口夷人俱在小古城并榆林舊縣等處駐牧本堡建在山後出口若鶯嘴然東為宣鎮西陽河藩籬南為瓦窯天城屏翰嘉隆間節被虜酋入犯今雖設有市口諸酋往來交易頗稱恭順脫或渝盟此實首禍之地未雨徹桑所當倍加嚴飭云


北至本堡邊牆七里

河興通院

河興通二

東至宣府西陽河五里

西至新平堡二十五里



南至宣府李信屯三十里

本堡土築於嘉靖二十五年隆慶六年復議輒包高三丈五尺周二里八分設守備官一員所領見在旗軍四百六名馬騾五十八匹頭分邊沿長一十二里零邊墩二十座火路墩一十三座內大紅花林極衝通大虜邊外紅花林回回墓頭二道興河等處俱五路台吉下石寶成比妓察漢兒比妓等部落駐牧小白海子兀慎台吉下酋首哈賴倘不浪等部落駐牧本堡小而衝嘉靖間虜由此入犯宣鎮柴溝等處偵探稍踈鳴鏑突至蓋東路一要地也雖東北有西陽河西北有新平堡聲勢相倚左右頗可應援而防禦自衛之計更宜加慎焉

北至新平堡七里

東至平遠堡二十里

西至本堡邊牆一里

南至樺門堡十二里

保平堡

平胡墩社衛

五路口
有都司

舊平堡

本堡設自嘉靖二十五年隆慶六年甃包高三丈五尺周一里六分零原設操守嘉靖四十四年改設守備所領見在旗軍三百二十一名馬一十八匹分邊沿長七里五分邊墩一十八座火路墩一十一座內平胡墩極衝通大虜邊外腰大山等處酋首五路台吉等部落駐牧本堡建在山後嘉靖三十七年虜由此入犯勢甚危急賴有新平平遠應援幸無大害懲前儆後戒備何可一日不嚴慎

扒

北至保平堡十二里

東至永嘉堡三十里

西至本堡邊牆二里

南至瓦窰口堡十一里



本堡款後萬曆九年始設十九年甄包之高三丈九尺八寸周七分有奇設防守官一員所領見在旗軍二百九十七名馬僅六匹分邊沿長九里三分邊墩一十八座火路墩二座邊外兀慎朝台吉等下守口夷人在發放牌棟溝明暗倘不浪羊羔素等部落在舊榆林縣各駐牧本堡設在山坪為虜犯瓦窰口必經之處列壘而居勢甚孤危然自此堡設後戍守有人斥堠有警虜遂不敢南下牧馬亦扼險之要地云

大同守道轄
井坪路總圖

東至懷仁城二百四十里

北至平虜



南至朔州

城十六里

平定河

觀音洞

藏胡堡

井坪城
符將刻

將軍寨

乃河堡

朔州城
守道駐劄

西至乃河堡六十里

城十六里



本路叅將分轄十城堡爲守備八操守二內井坪
城胡乃河將軍會皆臨邊朔州馬邑山陰應州懷
仁西安則近腹裏矣然隣邊者固虜常肆螫之所
近腹者亦虜每垂涎地也邊牆東起西路界西止
丫角山沿長三十一里有零邊墩五十九座又界
墩一座火路墩一百六十七座小市場一處統轄
見在官軍七千四百三十員名馬騾二千一百一
十九匹頭內援兵官軍二千三百八十員名馬一
千五百七十七匹本路南屏鴈代東障朔應邊外
順義王部落板升餘黨雜錯駐牧又逼隣多羅土
蠻等巢穴嘉靖間諸虜糾衆深入左窺鴈代右伺

太原東擾雲中率於本路假道焉故至今凋殘未
復譚者色變顧邊腹數百里以一路兵力應援之
難免無顧彼失此之患若虜勢續紛必隣封協力
共保庶克有濟不然畫地分壘秦越異視勢必難
於完璧往日殷鑒不遠也


北至平虜城十六里

東至馬邑城七十里

西至乃河堡四十里

井坪城

南至朔州城十六里



本城土築自成化二十一年隆慶六年甃包周四里九分高三丈六尺原設守備官一員併守禦千戶所萬曆四年移朔州叅將本城駐劄除援兵外守備所領見在官軍五百五十員名馬騾七十七匹頭無分邊止管火路墩三十一座本城衝緩相半嘉靖五年秋虜寇本城叅將李瑾自督勁兵擊之虜披靡引去數年不敢窺雲中商界紀石稱偉焉自後虜兩犯石州聲薄城下無敢舉火者語云選兵不如選將信然哉若繼此兵力強而軍食足烽火明而防守慎俾先聲可以奪敵人之氣庶可遠紹前烈焉

北至井坪城六十里

東至馬邑城四十里

西至山西利民堡六十里

朔州城

南至西山陽方口六十里



本城輒建於洪武三年萬曆十五年增飭之周六里三分高四丈二尺往年軍門駐節嘉靖中始移陽和而以分守冀北道分理同管糧通判駐劄於此原設守備知州各一員朔州一衛

樂昌王分封在馬守備所領見在官軍七百六十六員名馬一百一十八匹火路墩二十八座本城隸雲中之南鴈寧之北地勢平漫虜騎易馳實山雲兩鎮之要害也嘉靖四年虜由大石梁入寇十九年自弘賜堡掠至談州兵薄城下勢甚岌岌虜過此不南犯寧武東擾山馬未已也倘有警必山西雲東之兵同心共濟而後可焉

北至阻胡堡一十一里

東至平虜城四十里


西至本堡邊一十五里

南至乃河堡四十一里



本堡設自嘉靖二十三年萬曆元年輒包周一里五分零六步高連女牆三丈七尺原設操守萬曆十四年始議改守備所領見在官軍五百三十七員名馬二十匹分邊沿長一十三里五分邊墩二十七座火路墩七座小市場一處本堡界於二鎮之間地形漫衍無險可恃王家庄楊家大溝觀山等處俱通虜騎邊外寧邊河照壁山黑石崖等處皆酋首威宰生常克兒板布等部落駐牧通板升開有小市雜夷紛錯頗費經畫且堡土鬆脆所築之邊易於圯壞邊牆一潰朔州馬邑之間不得高枕而卧也欲固守南障不可視爲緩圖云

北至滅胡堡五十里



東至乃河堡四十里

西至山西邊丫角山十里

南至西山賈家堡十三里

本堡舊名白草坪虜潛伏竊掠無時萬曆九年始
建土城萬曆二十四年石包之周一里五分有奇
高三丈七尺原設防守萬曆三十一年議改守備
所領見在官軍六百一員名馬二十二匹分邊沿
長一十七里六分零邊墩三十二座界墩一座火
路墩七座內曹家窰百羊林响石溝俱極衝邊外
黑青山一帶首首言恰等部落駐牧嘉隆間每
潛伏出沒兵臨則退兵撤復來耕牧俱廢戰守兩
難故創建此堡割兩鎮之要地據三城之衝邊無
事則列壘而居各明斥堠有急則聞警而應共舉
烽煙所謂設險之守示有餘於不足云


北至平虜城六十里

東至井坪城四十里

西至山西賈家堡二十里

乃河堡

南至西山利民堡十七里



本堡嘉靖四十五年土築萬曆元年始包以甃周一里四分零高三丈五尺原設守備萬曆三十一年議改操守所管火路墩一十六座見在官軍三百四十一員名馬騾七十九匹頭本堡雖無邊隘虜入極爲要衝嘉隆間虜大舉入犯掠至山西石州崞縣等處本堡幾陷蓋虜之入寇老營之兵僅保西界而以東諉之乃河割地分守兩鎮之利害關焉故有警必彼此相援無分藩籬庶克有濟耳


北至西安堡十六里

東至渾源城九十里

西至山陰城六十里

應州城

南至西山邊四里



州治最古秦漢來即有之城設自洪武八年猶土築也隆慶六年始議甃包周六里一十八步高四丈原設知州守備各一員併安東中屯衛左右二所守備所領見在官軍七百九十員名馬七十八匹火路墩十七座本城地勢平行虜馬易馳雖洪派繫北鴈山障南不足恃也嘉靖間虜由平虜井坪入掠朔應二十二年始置分守叅將後改駐井坪嗣是大舉零竊迄無寧歲相隣郡邑力寡難援州近腹裏南隣山西北樓口虜即至此必不敢久留蓋可掠不可久之地也顧額賦太重地多荒蕪間闌蕭索逃亡漸衆尚當招撫填實以資保障云

北至大同鎮城十七里


北至大同

東至西安堡三十里

西至鴛鴦口二十里

懷仁城

南至應州城十六里



本城設自洪武十六年萬曆二年輒包周四里二分高三丈五尺原設守備知縣各一員安東中屯衛後所守備所領是在官軍三百七十八員名馬五十一匹火路墩一十九座本城當三雲之中黃花嶺峙其前三台嶺擁其後及有鎮海壚峪足稱勝區地僻民貧非虜所垂涎且密邇鎮城大藉翰蔽乃嘉靖二十三年虜夾鎮城西下大掠而還議者謂仍當精簡練厚蓄積一則爲自衛之計一則備雲中之援不可以虜情少緩而忽之也

北至高龍王峪十六里

東至應州城六十里

西至馬邑城六十里

山陰城

南至西山邊十四里



本城古縣治永樂三年因之土築隆慶六年始包以甃周四里三分高連女牆四丈原設知縣守禦千戶所先委操守萬曆十四年議改守備所領見在官軍五百二十九員名馬五十四匹管火路墩二十五座本城八嶺環拱二河襟帶亦稱形勝但兵寡土饑無險可恃防守不易耕植頗艱嘉靖間虜由大石梁入寇又由鎮城西下幾爲所陷若從此直馳鴈代震驚太原延蔓遠矣此亦三晉要區也勿以近腹而忽綢繆之計焉

北至寶峰山十五里

東至山陰城六十里

西至朔州城四十里

南至西廣武城十四里




本城土築於洪武十六年正統二年展築之隆慶六年始議甃包周三里五分零四十步高連女牆四丈原設守備知縣各一員有守禦千戶所守備所領見在官軍三百二十九員名馬二十九匹火路墩一十四座本城雖係腹裏亦係衝要嘉靖十九年虜大舉掠至本城及朔州等處時武備內弛痛遭屠戮雖洪濤峙後鴈塞巨前桑乾灰河經帶於左右而土獨磽薄不能生聚軍無故籍招集為難茲欲軍民樂附士馬飽騰惟在守備縣令之得人焉

北至大同鎮城十六里

東至兌城驛五十里

西至懷仁城三十里



南至應州城十六里

本堡嘉靖四十年建設土堡周二里一百步高三丈五尺萬曆二年甃包女牆二十八年甃塹堡頂甃砌水道近題

請甃包設操守一員把總一員所領見在官軍二百二十九員名馬一十四匹止管火路墩三座本堡雖不隣邊然隸雲中之南鴈代之北地方平漫虜騎易馳有警烽火一舉羽書四至蓋傳宣必經之地也嘉靖二十三年虜由上谷膳房堡入寇應懷本地被掠爲甚故繕城設官以備不虞然當雲中之孔道地堦兵寡南北支吾不前軍多烏合有朝隸尺籍而夕已逃避者撫綏招集所當加意焉

大同守道分
轄西路總圖


東至花板石三十里

北至威胡



南至井坪

堡十二里




城十六里

本路叅將分轄平虜敗胡迎恩阻胡凡四城堡俱
極衝之地邊牆東起威胡堡界西止南沙河沿長
四十七里六分有奇邊墩六十八座火路墩四十
八座小市場一處幅幘非廣而以一叅將兩守備
兩操守當之蓋地衝故也總屬見在官軍四千五
百一十六員名馬騾九百二十九匹頭內援兵官
軍一千四百九十八員名馬五百九十六匹邊外
駐牧首首唐文尙不浪等與板升部落數萬衆未
款前侵犯無寧歲往把漢那吉從此突入請降若
履無人之境本路兵視諸路爲寡守亦視諸路爲
難且山地不產良穀所種惟苦荬油麥蚤霜薄收

生計蕭然故守茲土者必廣招撫以勞来之勤訓
練以嚴防之鑒往事而預遠圖可也

北至本城邊四里



東至威平堡三十里

西至迎恩堡三十里

南至井坪城六里

本城土築於成化十七年萬曆二年輒包周六里三分高四丈本路叅將駐劄原設有平虜衛及守備官除援兵外所領見在官軍一千六百六十六員名馬騾一百四十五匹頭邊一十九里九分零邊墩二十五座火路墩三十五座本城址面隣山憑高之勢險與虜共之東西隣岡勾杆易及也地固隨在皆衝而大水口等處更甚邊外汾水河一帶首首小四台吉等部落駐牧通板升嘉靖間岢嵐應朔之變俱從此潰入往那吉請降俺荅圖城月餘城乏薪水幾不自全議者欲聯城接墩以據全山之勢削岡開渠以豫桑土之謀蓋保障之至計云

北至敗胡堡五里

東至平虜城三十里

東至平虜城三十里

西至本堡邊一十里

迎恩堡

南至阻胡堡一十一里



本堡土築自嘉靖二十三年萬曆元年包以甃石
周一里五分高三丈七尺設守備官一員所領見
在官軍五百四十五員名馬七十七匹分邊沿長
一十里五分邊墩一十七座火路墩五座小市場
一處內鎮川極衝通大虜老鸛嘴次之邊外泥河
兒一帶大成台吉阿郎拾兒圪炭等部落駐牧通
板升嘉隆間入犯無時地方大遭慘毒其最可鑒
者石州之變此首難也款後虐焰稍息地方始得
安闌顧兵力寡弱且小市夷人出入紛錯情形巨
測撫處防範尤當昕夕加之意焉

北至平虜邊十二里

平虜城

古城




東至平虜城三十里

泉源堡街

鎮川墩堡街

西至本堡邊十里



南至迎恩堡五里



本堡創自嘉靖二十三年隆慶六年始甃以甃石
周一里五分高三丈六尺設操守官一員所領見
在官軍四百三十四員名馬四十六匹分邊沿長
八里三分邊墩一十五座火路墩四座本堡地當
衝險胡騎一馳呼吸可至如鎮川墩泉兒溝等處
皆通大虜零騎不時入掠邊外灰河一帶酋首猛
克氣等部落駐牧先年大舉入犯朔州地方長勝
墩迤北即近板升嘉靖末年諸逆爲患此堡被掠
更甚今雖稱與滅胡阻胡諸堡唇齒相依顧兵力
寡弱均也有警登埤自守頗易應援安足恃哉

北至迎恩堡一十一里



西至本邊一十里

東至平虜城三十里

南至威胡堡一十一里


本堡西當偏老之衝南扼鴈代之險獨當一路孤懸以屏翰三晉要害建自嘉靖二十三年故土築也隆慶六年始甃包之周一里一分高三丈五尺設操守官一員所領見在官軍三百七十三員名馬六十五匹分邊沿長八里九分邊墩一十一座火路墩四座內寺懷極衝通大虜邊外乾河溝一帶酋首以速貴等部落駐牧通板升嘉靖十九年犯山西石州寧鄉三十二年犯岢嵐率從此入蓋道路險要虜馬衝突勢如建瓴雖迎恩城胡近在眉睫三堡犄角頗可保障乃廣儲蓄銳以圖自衛之計尤不可不汲汲也

里五十三堡虜破至北

大同左衛道
分轄不屬路

東至雲岡堡三十里

西至雲西堡三十里



里五十兒村小至南

本城天順六年建置嘉靖十四年改建今城萬曆十年輒包周四里三分高連女牆四丈二尺設守備官一員併大同前衛中右所守備止管火路墩一十六座見在官軍七百二十三員名馬騾二百四十一匹頭本城密邇鎮城屬鎮不屬路東與聚落爲左右兩翼而倉廩積貯視左右諸衛等誠重之也城濱於河衝決浸漬漸至傾頽大爲可慮近築河堤頗足捍禦第地當孔道應付繁難軍士頗稱苦累當事者當加意撙節撫恤之焉

大同左衛道轄中路總圖

東至左衛城九十里



堡十二里

堡

堡

堡

堡

西至鐵山堡十五里

鐵山堡

堡

堡


馬營河堡

大同右衛城
參將駐劄

經堡

黃堡

堡五十里



本路叅將原設左衛嘉靖三十三年始移右衛駐
劉蓋自東勝失而雲西弱左右兩衛日就剝膚故
是年移協守副將於左衛而移左衛之叅將於此
併翼以破胡殺胡殘胡等十一堡爲守備五爲操
防八屹然稱一路馬分邊東起寧虜堡西止鐵山
堡共沿長一百二十四里零邊墩一百八十六座
火路墩一百八十二座總統見在官軍九千二百
六十七員名馬騾二千一百五十三匹頭內援兵
官軍一千五百三十一員名馬騾一千一百七十
四匹頭各城堡右衛馬營河堡破胡馬堡殘胡殺
胡堡鐵山堡俱極衝左衛三屯堡雲陽堡牛心堡

黃土堡紅土堡稍次之本路邊既比他路獨長而畫地又去鎮城獨遠倉卒遇變無論征調爲難即候關白而舉事亦無及矣故必道將同心協守有急不妨便宜行事左右二衛自爲羽翼諸堡環列互相應援且有北西威遠二路聲勢相倚虜即寒盟可折箠驅也惟是板升之衆本我編戶之氓乃遂內叛外訐盤結境上及今不得要領而解散之終爲夷狄寇讐而已此該路之所宜究心者也

北至寧虜堡十三里

東至雲西堡三十里

西至祁家河堡四十里

南至大峪口六里

左衛城
兵備道副
總兵駐劄


本城左衛永樂七年始設正統後雲川衛內徙附馬城甃砌周一十一里三分萬曆六年加修增高共四丈二尺原設通判守備各一員嘉靖三十三年移大同協守副總兵於此三十七年設大同兵備道駐劄本城除援兵外守備所領官軍一千五百員名馬騾一百六十九匹頭分邊沿長一十四里三分邊墩二十四座火路墩五十二座內黑龍王墩水泉兒墩俱極衝邊外威寧海子等處酋首狗兒哥耳六等部落駐牧本城東蔽鎮城西控右衛聯絡沿邊諸堡實爲雲西重障款貢後虜使往來無壺日撫處防範較各城爲更難云

北至殺胡堡十二里

東至馬堡三十里

西至邊牆三十里

南至威遠城十五里



本城永樂七年始設正統後玉林衛內徙附馬萬曆三年輒包周九里八分高四丈二尺二寸內本路叅將駐劄原設守備除援兵外所領見在官軍一千六百三十員名馬騾二百六十七匹頭分邊沿長三十二里有奇邊墩四十五座火路墩四十六座內黑嘴子等口極衝邊外大松樹舊玉林城一帶虜酋哈喇托托兒扯布等部落駐牧本城孤懸西北密邇虜巢徃歲虜騎不時入犯嘉靖三十七年大舉圍困數月不解款後雖幸寧謐倘虜寒盟此實首禍之地廣儲蓄募驍雄昕夕鯁鯁以戒不虞此本城所當卧薪嘗膽圖之者

北至殺胡堡二十里

東至馬堡三十里

西至本管邊七里

南至右衛城八里



本堡土築於萬曆元年周八分連女牆高三丈九尺設防守官一員所領見在旗軍二百名馬一十三匹分邊沿長五里五分邊墩八座火路墩一座本堡當右衛殺胡之中內小水口極衝邊外舊榆林城迤西一帶酋首恰台吉長男虎兒害恰下首領抹兒免等部落駐牧堡軍僅二百而月糧且隨赴右衛支領一遇有警實難責其防禦或零騎竊發收斂人畜免致剽掠之患庶幾有小補云

北至邊牆一里

克魯兒
等部

東至寧虜堡三十里

石勒城
外城

鎮靖橋

平梁橋

破胡堡

西至馬堡一十五里

南至牛心堡十三里

大同鎮圖說

六八



本堡土築於嘉靖二十三年萬曆二年輒包周二里零八步高三丈八尺原設操守因本堡極邊萬曆十四年始議改守備所領見在旗軍七百名馬騾九十六匹頭分邊沿長一十四里零邊墩一十七座火路墩五座內平梁鎮靜二處俱極衝通大虜邊外大松樹山豐州川威寧海等處皆酋首黃台吉下首領克絲兒太等部落雲川城一帶酋首歹鴉撓兒部落各駐牧本堡逼鄰虜巢東爲黑龍山崇巖邃壑易於藏伏嘉靖間零虜竊犯無虛日堡外虜騎蹂踐多屬荒蕪近開墾悉爲禾稼之場以此軍資養贍鮮有逃亡地方重有保障焉

北至邊牆一里

白塔

金塔

昭君墓

牛馬碑

堅不寧松
等部落

東至殘胡堡二十里

西至免毛河邊二里

殺胡堡


市馬
和合橋街



塔



南至右衛城十二里



本堡設自嘉靖二十三年萬曆二年輒包周二里
高三丈五尺設守備官一員分邊沿長二十里有
奇邊墩二十八座火路墩六座市場一處見在旗
軍七百七十八名馬騾一百五十二匹頭堡相距
虜巢最近兎毛河直通塞外川流平行虜易長驅
昔年大舉徃徃從此入犯古道溝新水口等處俱
極衝要邊外歸化城昭君墓等處酋首羊羔兒虎
兒害恰啞不害恰等部落各駐牧款後虜警雖息
乃地當孔道夷使徃來境上必假道於此且市場
應酬繁劇撫防兩艱故守此地者非才勇之將不
可宜選擇而使之加意戒備焉

北至邊牆五里

卜治素備不浪
部落

東門外
塔樓衝


育陽林兒
衝

西至殺胡堡三十里

東至破胡堡三十里



南至黃土堡十六里



本堡設自嘉靖二十三年隆慶六年石包周一里零一百三十四步高三丈六尺五寸設操守官一員所領見在旗軍三百九十五名馬三十八匹分邊沿長一十五里三分邊墩二十四座火路墩九座內東鶯圪塔青陽林兒俱極衝通大虜芹菜坡等處稍次之邊外沙城一帶虜酋卜治素倘不浪部落歸化城昭君墓一帶酋首歹言恰虎兒恰等部落各駐牧嘉隆間虜常寇掠其地自設茲堡彼此聯絡足爲右衛羽翼且田地沃饒軍士安業與破胡同也

北至邊牆一十一里

東至破胡堡一十五里

西至殘胡堡一十五里



南至黃土堡十三里

司真圖

七十一

本堡設自嘉靖二十五年萬曆元年石包周一里
五十四步高三丈五尺設操守官一員所領見在
旗軍三百六十四名馬三十四匹分邊沿長一十
里四分邊墩一十五座火路墩四座內山前墩二
道溝虎頭墩駝山雙溝子等處俱衝而山前墩更
甚邊外昭君墓豐州川一帶俱首首馬洪恰海賴
等部落禿塔地方首首把都牙害倘不浪部落各
駐牧嘉隆間數罹虜患款後休養生聚無復昔日
凋殘景象乃戒備之念尤不可斯夕少弛云

北至右衛城十二里

東至紅土堡二十里

西至邊牆三十里

南至雲石堡十二里

鐵山堡

雲石堡

托兒氣
等部落

七十二

大同直隸州



本堡設自嘉靖三十八年萬曆二年輒包周一里
四分有奇高三丈五尺原設操守一員萬曆十三
年改設守備所領見在旗軍五百三十四名馬四
十八匹分邊沿長一十里五分零邊墩二十二座
火路墩一十座內雙牆墩極衝通大虜孔家半坡
鶯黎稍次之邊外小松山地方酋首一克哈喇克
部落長溝等處酋首打克賴恰首領敖托兒氣等
部落各駐牧嘉靖三十一等年虜由此入犯攻毀
無遺後加修葺遂以鐵山名之址望右衛南接雲
石中路諸堡此亦最衝者故改草場於內有警庶
可資備禦焉

北至寧虜堡一十五里

東至張七梁六里



西至右衛城六十里

南至左衛城一十五里



本堡土築於隆慶三年萬曆二年甃砌女牆周七分通高四丈設防守官一員所領見在旗軍二百九十二名馬二十二匹分邊沿長一里七分邊墩三座火路墩一座本堡雖設臨邊外有山險邊外土城一帶酋首兀蘭把喇素部落駐牧先年時入搶掠左衛迤北地方耕牧徃來均苦之自此堡設而人始稱便第規模狹小士馬無多有警防禦頗艱且軍皆撥自左雲二衛懷戀故土時多逃匿撫恤牧保所當加意云

北主破胡堡邊十五里

東至左衛城一十二里

西至牛心山堡一十五里

南至陞屯十二里



本堡偏在西北去邊稍遠虜若逾破胡之邊而南未有不關及於此者故嘉靖三十七年方當瘡痍之後而亟營成之也至萬曆二十四年始包以甃周一里六分高連女牆四丈一尺設操守官一員所領見在旗軍三百一十三名馬二十三匹惟管火路墩一十四座本堡東蔽左衛足稱白羊羽翼顧堡設未久軍鮮養戀舊時類多逃亡邇來撥地給之以資贍養始有固志焉較之他堡頗易守云


北至破胡堡十四里

東至雲陽堡二十五里

西至黃土堡二十五里

牛心堡

南至祁家河堡一十五里



本堡設自嘉靖三十七年隆慶六年石包周二里五分高三丈五尺原設守備萬曆十四年因腹裏議改操守所領見在旗軍四百三十四名馬騾三十七匹頭止管火路墩一十八座本堡當左右二衛適中之區北有黑龍王等山重岡疊障先年零騎竊伏不時出沒搶掠右衛聲援幾至斷絕故設此堡所係頗重近堡垣多圯復議准拆修庶可資保障云

北至萬家梁墩八里

東至黃土堡一十五里

西至右衛城一十五里



南至劉屯後梁一十五里

本堡設自嘉靖三十七年萬曆二年石包周一里
八分高三丈五尺設操守官一員所領見在旗軍
二百七十五名馬三十九匹無邊止管火路墩七
座本堡正當右衛東來孔道迤東則黃土牛心雲
陽諸堡也往右衛被圍去左衛僅七十里聲援阻
絕故立各堡以備往來接濟本堡距右衛僅十五
里而近豈直行旅有賴亦可爲孤懸一背云

北至殘胡堡十五里

東至牛心山堡二十五里


西至紅土堡二十五里

南至油房頭十二里

黃土堡

司真司

七



本堡設自嘉靖三十七年萬曆十二年始甃包之
周一里六分高連女牆四丈一尺設操守官一員
無邊止管火路墩九座見在旗軍三百二十一名
馬四十一匹本堡西接右衛亦懲虜變而設地勢
平行尤虜騎所易蹂躪者自堡垣修築高深可守
又鄰堡相爲唇齒虜至可恃無恐焉

左衛道

地址西路圖

東至拒門堡二十里

北至邊



『寧城』 十一里

『寧城』

西至寧虜堡六十里



城十四里

本路叅將故駐劄應州嘉靖二十六年因虜警改
移助馬分轄助馬拒門滅虜威虜寧虜保安破虜
雲西雲岡爲守備五爲操守四原分屬左衛及鎮
城北路嘉靖末年以邊遠鎮城聲援不便且外五
堡既設足爲內五堡衛矣而外五堡又誰衛之用
是復置將於此堡而畀之整搦馬分邊自北東路
之拒牆堡至中路之破胡堡沿長七十七里零邊
墩一百三座火路墩七十座既以省左衛之力又
以厚全鎮之防專路之設誠爲良策總統見在官
軍五千九百六十九員名馬騾一千二百八十五
匹頭內援兵官軍二千三百八十六員名馬一千

九十一匹各堡助馬保安拒門寧虜威虜威虜俱
極衝破虜雲西雲岡稍次之故沙漠無邊可限助
馬邊外馬頭山羣虜駐牧時憑高窺左衛一帶邀
我行旅擾我耕牧雖更番按伏之兵無當於防禦
後拓地置堡修築墩牆總兵周尚文之功居多通
來乘暇增修所在金湯有警叅將居中調度守操
四面馳擊首尾應援北西既安雲中堂奧之地可
恃無恐顧高山一城久屬本路分地而鈴束收斂
之責乃遙受於鎮守若不蚤定於平時臨事難委
於一旦此亦所當預議云


北至邊牆八里

東至拒門堡三十里

南至破堡二十二里

西至邊牆二里

助馬堡



本堡設自嘉靖二十四年萬曆元年輒包周二里四分高三丈八尺原設守備官一員內駐劄本路叅將除援兵外守備所領見在旗軍六百三十四名馬三十匹分邊沿長二十里三分邊墩二十五座火路墩八座市場一處內小懷遠等墩俱極衝邊外涼城兒一帶皆酋首黃金榜實擺戶恰等部落駐牧本堡設在極邊密邇穹廬東接拒門等堡西連保安所謂外五堡也迤東地勢平曠虜易長驅馬頭山迤西邊在山內無險可恃較諸堡最爲衝要往歲虜患頻仍款後虜貪我餌烽煙頓息乃每市羣酋蟻聚情形叵測撫處防範頗費經畫焉

北至助馬堡五十里

東至破虜堡十五里

西至邊牆二里

保安堡

南至威虜堡五十里



本堡設自嘉靖二十四年萬曆元年輒包周一里五分高三丈五尺原設操守官一員所領見在旗軍三百八十二名馬一十二匹分邊沿長一十四里零邊墩一十五座火路墩四座內雙溝子舊八墩子梁五墩子梁俱極衝通大虜邊外界牌溝九龍溝玉林城一帶皆酋首黃鵠兒卜着素孫倘不浪等部落駐牧本堡設在衝邊地勢平行與破城二堡相爲唇齒倘此地失守高山左衛而南悉戎馬馳驚之場矣防守之難最當戒慎焉

北至邊牆五里

東至拒牆堡二十里


西至助馬堡二十里

南至破虜堡十三里



王家莊

黃家莊



本堡設自嘉靖二十四年土築萬曆元年輒包周一里零二百五步高三丈七尺初惟操守後改設守備所領見在旗軍四百八十七名馬騾二十匹頭分邊沿長一十五里二分邊墩二十三座火路墩七座本堡設在孤懸挺出邊外如會寧灣等處俱極衝邊外水泉兒灘周家嶺一帶皆酋首黃金榜實卜落氣等部落駐牧昔年虜頻入犯嘗圍困我兵於堡東彌陀山下今雖款和增兵儲餉尤當及時畱之顧衝地募軍頗難體恤安插守堡者所當加意焉


北至邊牆五里

東至威虜堡十五里

西至破胡堡三十里

南至屯堡一十五里

平定縣新志



本堡設自嘉靖二十一年萬曆元年輒包周二里七分高三丈七尺設守備官一員領見在旗軍三百九十二名馬三十一匹分管邊牆沿長一十一里三分邊墩一十八座火路墩一十一座市場一處本堡設在極邊喜鵲墩極衝通大虜邊外土城一帶酋首兀蘭把喇素部落傳家領毡帽山一帶酋首宰生倘不浪羊羔兒等部落各駐牧嘉靖中大舉每從此入地方不勝蹂躪款後設有市場雖可羈縻乃夷人往來貿易漢夷雜集奸蠹叢生一切撫處防範視他堡頗艱焉

北至邊牆七里




齊赤等部落



東至破虜堡二十里

西至威虜堡二十里

字嚴柳衝



營 營

南至高山城三十二里



本堡設自嘉靖二十二年四十二年加修之仍土築也萬曆元年始包以甃周二里六分高三丈五尺設守備官一員所領見在旗軍三百八十九名馬三十二匹分邊四里三分邊墩六座火路墩一十座內守口墩極衝通大虜邊外豐州雲內一帶酋首黃金榜實土骨赤部落駐牧本堡外控保安諸堡內蔽左衛雲西東與破虜相接聲勢聯絡守望頗可相助顧地勢平行無崇山峻嶺之限虜若由助馬保安而入則長驅南向雖云捍禦亦岌岌乎殆矣守斯地者當旰夕戒備毋恃有應援而少忽之焉

北至邊牆二里

東至滅虜堡二十里

西至寧虜堡二十里


南至雲西堡十三里

威虜堡

寧虜堡

雙子

恒衡



本堡設自嘉靖二十一年萬曆元年輒包周二里二分高三丈五尺原設守備官一員所領見在旗軍四百一十六名馬一十六匹分管邊牆沿長一十一里九分邊墩一十六座火路墩八座本堡設在極邊西南距左衛五十里足爲一障顧地勢平曠戎馬易馳雙井雙溝等處俱極衝通大虜邊外車寺溝花山子齊頭山一帶酋首台賴儂大等部落禿墩一帶酋首毋忽兒火同部落各駐牧嘉靖間虜大舉入犯至青圪塔曾有損將覆軍之禍堡人至今言之猶有愬心守此地者所當嚴加戒備


馬

北至助馬堡二十二里

東至鎮河堡二十二里

西至城虜堡二十里

南至高山城三十五里




本堡設自嘉靖二十二年萬曆元年輒包周三里二分有奇高四丈二尺原設守備官一員萬曆十四年因堡設腹裏議改操守所領見在旗軍三百二十名馬二十九匹止管火路墩五座本堡舊稱極衝自添建五堡邊牆外徙始稱腹裏而地勢平衍無險可據遇警虜易長驅堵截爲難但田頗饒沃軍士月糧之外歲入可供養贍迺移者少與賊虜保安一帶相同尚當乘時爲儲蓄計焉

北至威遠堡十三里

東至高山城三十里


西至左衛城三十里

南至石仗村十一里



本堡設自嘉靖三十七年萬曆二十四年輒包周一里三分有奇高連女牆四丈一尺設操守官一員所領見在旗軍三百四十五名馬一十二匹緣無邊止管火路墩九座本堡西連左衛東接高山實虜入必經之地雖云稍近腹裏亦屬要區也該堡軍風疲憊迫於往來迎送之苦易於逃亡招撫存恤守此地者所當加意焉

里十三堡河鎮至北



西至高山城三十里

東至大同鎮城三十里


里十一莊彥石至南

本堡土築自嘉靖三十七年後以地形卑下北面受敵議於本堡址崖創築一堡移官軍處其內仍存舊堡以便行旅新堡亦土築女牆輒砌通高三丈五尺周一里四分零設操守官一員所領見在旗軍二百一十八名馬一十二匹火路墩八座本堡東通鎮城西通左衛爲雲西孔道未款前虜騎馳入道路爲梗新堡既築有險可據且鎮城萬姓所用煤炭皆仰給於此有警據險固守亦足保障云

北至右衛

大同左衛道
轄威遠路圖



東至柳家河堡二十里



南至三岔堡

城十六里


名羅士遠
第郎各



西至威胡堡四十里

海不寧等處

里十四



本路原非舊設其設而裁裁而復者數矣嘉靖三十
九年雲西多故各城堡雖有輔車之勢猝難應
援復畫地置將而設本路於此所轄止威遠雲石
威胡及威平祁家河五堡三守備二操守分邊沿
長三十九里九分邊墩五十座火路墩八十八座
所統見在官軍三千三百六十八員名馬騾一千
七十六匹頭內援兵官軍一千一百一十二員名
馬八百九十七匹夫自左衛而右衛自右衛而本
路咸邊也道途阻隔岡阜崎嶇虜入即中斷望應
援難矣往歲右衛之圍半載未解威遠坐困可知
乃今所分之邊西直與平虜相接西南各堡猶然

為右衛所轄五官堡外惟胡指揮堡小馬堡三岔堡歸併本路其為民堡尚多雖屬本路尚爾隔越况右衛又隔越本路者哉夫尺寸之地利害攸關在本路以越俎推諉在右衛以駢脫牽制尚當調停劈畫云

北至右衛城十五里

東至祁家河堡二十里

南至花板石村十三里

西至雲石舊堡二十里



本城磚建於正統三年低薄傾圯萬曆三年復包修之周五里八分零高連女牆四丈原設守備官一員有衛所儒學後添設叅將駐劄焉除援兵外守備所領見在官軍七百五十二員名馬騾一百一十六匹頭分邊沿長一十五里三分邊墩一十六座火路墩四十五座內大羊坡雙山兒小羊坡俱極衝通大虜邊外首首海不窳下部落打喇兔等在泥河兒等處駐牧本城地勢平漫無險可恃嘉隆間虜數入犯惟嘉靖四十三年覆軍損將其禍最慘本城與右衛平虜輔車相依聲勢頗可應援若更精選練厚儲蓄何外侮之足虞焉

北至雲石堡十三里

海不家
等部落




東至威遠城四十里

西至邊牆五里

徐國府城

永明縣城



南至敗胡堡十三里

本堡設自嘉靖二十三年萬曆九年磚包周一里五分零高連女牆四丈二尺設守備官一員所領見在旗軍四百六十七名馬一十二匹分邊沿長一十里三分邊墩一十三座火路墩一十座內五各烟徐四嶺極衝通大虜邊外響水河大營盤一帶皆酋首海不宥莽祿等部落駐牧本堡地當絕塞密邇虜巢往年零騎竊掠無時不勝蹂躪之苦款後雖邊患稍息然地極孤懸軍鮮應募又籍雖存逋逃數多且去該路頗遠有警猝難應援存恤設防均當加之意云


里十二堡山鐵至址

東至威遠城四十里

西至邊牆三里

雲石堡

里十三堡胡威至南




本堡設自嘉靖三十八年故土築也萬曆十年因山高無水離邊尚遠不便市場故改建於王石匠河輓包馬周一里七分高四丈一尺設守備官一員所領旗軍五百四十三名馬二十七匹分邊一十四里三分零市場一處邊墩二十一座火路墩一十四座內鎮牆等墩極衝邊外馬耳山長溝一帶多羅土蠻等部落駐牧本堡舊堡憑山爲險緩急可守今改建新堡密通市口防禦撫處雖視舊爲便但地勢平曠險非所據且距威遠四十里而遙孤懸一隅道路崎嶇轉輸不便有警似爲可慮議者謂舊堡亦當存留以便應援不爲無見云

北至舊雲石堡十三里

東至威遠城二十里

西至平虜城四十里

南至邵家村一十一里





本堡設自嘉靖四十五年萬曆元年石包之周一里四分高三丈七尺萬曆二十三年創修土堡一座接連本堡原設守備一員緣無邊責故今改操守所領見在旗軍二百七十九名馬一十二匹止管火路墩一十座傳烽收保已耳堡稍腹裏介威遠平虜之間南北應援所關亦重廣儲芻糧以待各路客兵之需此本堡所當預者焉

北至牛心山五十里



西至威遠城二十里

東至左衛城四十里



南至小南山五十里

本堡設自嘉靖四十一年萬曆元年石包周二里高三丈五尺設操守官一員所領見在旗軍二百一十五名馬一十二匹止管火路墩九座本堡西藩威遠東蔽左衛往來接濟重有賴焉第占役者多除正兵援兵之外所遺老家無幾一切差遣工役獨為苦累非時加調停破格存恤將日困憊不可支矣

欽差總督宣大山西等處地方軍務兼理糧餉太子
少保兵部尚書兼都察院右副都御史楊時寧纂集
欽差巡撫大同地方兼理軍務都察院右僉都御史張 悌同纂
整飭大同左衛等處兵備山西按察司按察使樊東謨
分守冀北道兵備山西布政使司右叅政兼僉事李 芳
分巡冀北兵備道山西布政使司右叅政兼僉事陳所學
整飭陽和兵備山西提刑按察司副使劉汝康同校正